

四庫全書

子部

欽定四庫全書

子部

玉海卷五十三

詳校官給事中_臣 李善長

主事_臣 祁韻士 覆勘

總校官進士_臣 朱 鈐

校對官修撰_臣 吳錫齡

謄錄監生_臣 吳錫綵

欽定四庫全書

玉海卷五十三

宋 王應麟 撰

藝文

諸子

又見著書等類

歐陽修曰仲尼之業垂之六經其道宏博君人治物
百王之用微是無以為法故自孟軻揚雄荀卿之徒
又駕其說扶而本之歷世諸子傳相祖述自名一家

異端其言或破碎於大道然訂其作者之意要之孔氏不有殊焉 梁劉勰曰諸子者述道見志之書太上立德其次立言百姓之羣居苦紛雜而莫顯君子之處世疾名德之不章唯英才特達則炳耀垂文騰其姓氏懸諸日月

漢諸子畧

見書目類 志儒家自晏子子思至揚雄所序五十三家八百三十六篇

入揚雄一家
三十八篇

道家自伊尹太公辛甲

鬻子至楚子及道家言三十七家九百九十三篇陰陽
家自宋司星子韋至雜陰陽二十一家三百六十九篇
法家自李悝商君至法家言十家二百一十七篇名家
自鄧析尹文子至毛公七家三十六篇墨家自尹佚田
俅子至墨子六家八十六篇縱橫家自蘇子張子至莊
安待詔金馬聊蒼十二家百七篇雜家自孔甲盤孟大
命至雜家言二十家四百三篇入兵法農家自神農野老
至祭癸九家百一十四篇小說家自伊尹說至虞初周

說百家十五家千三百八十篇凡諸子百八十九家四

千三百二十四篇

出雙鞬一家
二十五篇

漢校定諸子百家

伏無忌傳永和元年詔無忌與議郎黃景校定中書五
經諸子百家藝術注藝文志曰諸子凡一百八十九家
言百家舉成數也藝謂書數射御術謂醫方卜筮安
帝紀永初四年二月乙亥詔謁者劉珍及五經博士校
定東觀五經諸子傳記百家藝術整齊脫誤是正文字

漢諸子博士

劉歆傳漢至孝文衆書頗出皆諸子傳說猶廣立於學
官為置博士在漢朝之儒唯賈生而已 孟子題辭孝
文欲廣遊學之路論語孝經孟子爾雅皆置博士後罷
傳記博士獨立五經

唐十七類子錄

藝文志丙部子錄其類十七一曰儒家類

自晏子春秋至君目政理

論六十九家九十二部七百九十一卷

二曰道家

自鶡子至莊子文句義一百三十七家七十四

部一千二百四十卷并神仙三十五家釋氏
二十五家總一百三十七家一百七十四部
三曰法家

自管子至五經折疑十五
家十五部一百六十六卷
四曰名家自鄒析子至注公
孫龍子十二家十

二部五卷
五曰墨家墨隨巢胡非
家三部十七卷
六曰縱橫家自鬼谷
子至補

闕子四家四
部十五卷
七曰雜家自尉繚
至子林六十四家
八曰

農家自范子計然至
兆人本業十九
九曰小說家自燕
丹子

至冥報記三十九家
四十一部三百八卷
十曰天文自周髀
至乙巳占二十
家三十部三百六卷

十一曰歷算自九章
重差至刻漏經三十六
卷
十二曰兵

書自黃帝問玄女法
至懸鏡二百十九卷
十三曰五行自沈思
經

六十家一百六十卷
十四曰雜藝術自技壺經至五星圖
十一家二十部一百

四十卷
十五曰類書自皇覽至玉藻瓊林十七家二
十六

曰明堂經脉黃帝鍼經至內經太素十六
十七曰醫術

類本草至崔知悌方六十四家
凡著錄六百九家九百

六十七部一萬七千一百五十二卷不著錄五百七家

五千六百一十五卷 六典丙部為子其類十有四儒

道法名墨縱橫雜農小說兵法天文厯數五行醫方

梁劉勰云七畧派流諸子鱗萃純粹者入矩躔駁者出

規 後漢論云貴清靜者以席上為腐議東名實者以
柱下為誕辭 北史云淹中稷下八儒三墨之異漆園
黍谷名法兵農之別

唐子書要畧 意林

志雜家孟儀子林二十卷沈約子鈔三十卷隋志十卷 五卷

仲容子鈔三十卷書目梁庾仲容鈔諸子凡百有五家輯為一書一云一百七家 薛克

建子林三十卷盧藏用子書要畧一卷馬總意林一卷

晁氏志三卷抄諸子百餘總以庾仲容繁畧
失中增損成三軸前有戴叔倫楊伯存序

晏子

漢志儒家八篇名嬰謚平仲相齊景公 隋志

唐志

晏

子春秋七卷 史記晏平仲者名嬰萊之夷維人也事

齊靈公莊公景公節儉力行既相齊食不重肉妾不衣
帛其在朝君語及之即危言語不及之即危行國有道
則順命無道則衡命以此三世顯名於諸侯太史公曰
吾讀管氏牧民山高乘馬輕重九府及晏子春秋詳哉
其言之也

子思子

漢志儒家子思二十三篇名佚孔子孫 隋志

唐志同

七

卷孔佚 晁氏志一卷四庫書目無之載孟軻問牧民

之道何先子思曰先利之孟軻曰云云

溫公采之著於通鑑

文選注引子思子曰民以君為心君以民為體其言明且清 沈約曰禮記中庸表記坊記緇衣皆取子思子

初學記引之

曾子

漢志儒家十八篇名參

隋志二卷

目一卷

唐志二卷

書目參與弟子公明儀樂正子春單居離曾元曾華

之徒論述立身孝行之要天地萬物之理今十篇自修

身至天圓皆見於大戴禮

於篇第為四十九至五十八

蓋後人擬出

為二卷

上卷修身至事父母
下卷制言至天圓

劉清之集錄七篇內篇

一外篇雜篇各三

漆彫子

漢志儒家十三篇孔子弟子漆彫啓後 韓非子儒分

為八有漆彫氏之儒

宓子

漢志儒家宓子十六篇名不齊字子賤 景子三篇說
宓子語似其弟子

世子

漢志儒家二十一篇名碩陳人也七十子之弟子 論
衡本性篇周人世碩以人性有善有惡舉人之善性養
而致之則善長惡性養而致之則惡長如此則性情各

有陰陽善惡在所養焉故世子作養性書一篇宓子賤
漆彫開公孫尼子之徒亦論情性與世子相出入皆言
有善有惡

公孫尼子

漢志儒家二十八篇七十子之弟子 隋志一卷似孔

子弟子

唐志一卷儒家

禮記緇衣公孫尼子所作 沈約曰

樂記取公尼子 文選注引之

孟子

見前

論語孝經後

荀子

漢志儒家孫卿子三十二篇名況趙人為齊稷下祭酒

注師古曰本曰荀卿避宣帝諱故曰孫

志又有孫卿賦一篇

劉

向序臣向校中孫卿書三百二十二篇除複重二百九

十篇定著三十二篇

隋志十二卷

唐志同

荀況集一卷

唐志二卷

今書自勸學至堯問三十三篇楊倞注并序

元和

十三年十一月

分為二十卷篇第頗有移易使以類相從改孫

卿新書為荀卿子 史記荀卿推儒墨道德之行事著
數萬言 書目陳之方削荀子疵一卷凡四十篇

董子

漢志儒家一篇名無心難墨子 唐志一卷 宋朝吳

秘注

一卷 戰國時
著書聞墨子

書目一卷與學墨者纏子辨上

同兼愛上賢明鬼之非纏子屈焉 論衡引董子難纏
子

魯仲連子

漢志儒家十四篇

隋志五卷

唐志同

書目五卷退隱

海上論著此書

春秋正義引魯連書

荀子注引魯

連子謂田巴

文選注引之

王孫子

漢志儒家一篇

一曰巧心

孔叢子

一名盤孟子

隋志論語類孔叢七卷孔鮒撰孔志十卷梁劉被撰孔

子家語二十一卷王肅解書目孔叢子七卷合為二

十三篇 晁氏志鮒字子魚論集仲尼子思子上子高

子順之言及已之事凡二十一篇

為六卷
言至答問

嘉孔臧以

所為賦與書謂之連叢上下篇為一卷附于末按漢志

無孔叢子而儒家有孔臧十篇雜家有孔甲盤孟書二

十六篇意者孔叢子即漢志孔甲盤孟書而亡六篇連

叢即漢志孔臧書而其子孫或續之也 嘉祐三年二

月宋咸序四年二月丁亥咸為廣西轉運上所注揚子

孔叢子賜三品服

并撰釋文以三
年十二月表上

车子

隋志儒家

唐志道家

二卷後漢太尉牟融撰

文選注引之

魏子

隋志儒家三卷後漢魏朗撰

文中子 中說

唐志儒家王通中說五卷

崇文目十卷王道天地事

君周公問易禮樂述史魏相立命關子明

王福時家

書雜錄中說編為十篇成十卷阮逸注

王續傳兄通

隋末聚徒河汾做古作六經為中說擬論語不為諸儒

稱道惟中說獨存 唐李翱以此太公家教及司空圖

皮日休始重之日休作碑宋興柳開孫何振而張之遂行於

世 阮逸序中說者門人對問之書薛收姚義集而名

之貞觀二年御史大夫杜淹始序中說及世家 龔鼎

臣得唐本於齊州李冠家以甲乙冠篇而分篇始末皆

不同又本文多與逸異阮龔各以所得本為訓義 宋咸撰過文中

子十卷又駁中說二十二事 程子稱其書勝荀揚

陳亮參取阮龔本類次為十六篇其無條目可入與凡可畧者不錄 司馬光補傳

元子

唐志儒家元子十卷又

浪說七篇漫說七篇

元結別集元結文編

十卷 天寶九載庚寅至十二年癸巳成書五篇一萬

六千五百九十五言分為十卷卷首有元氏家錄紀其世次中書舍人李紆序其中惡圓惡曲至于世化凡十四篇文編亦有之

伸蒙子

唐志儒家林慎思三卷

成通中人

書目三卷假答問之辭

叙三才君臣文武之事凡萬言

周生烈子

唐志儒家五卷

隋志周生子要論一卷錄一卷魏侍

中周生烈撰

冀子

唐志儒家五卷冀重字子泉

定州容城人

元和子

唐志儒家杜信二卷

鮪子

國史志儒家趙隣幾一卷

素履子

國史志儒家張弧一卷

聳隅子

書目儒家一卷 黃晞著聳隅子揚庭論嘉祐元年十

一月十五日以為太學助教 唐沈顏聳書十卷

子華子

書目儒家十卷載劉向校錄序曰向所校讎中外書子
華子凡二十四篇以相校除複重十四篇定著十篇又
曰子華子程氏名本字子華晉人也善持論不肯苟容
於諸侯聚徒著書自號程子按漢志及隋唐二志崇文
總目國史藝文志悉無此書吳兢李淑二家書目亦不
載必近世依託也

晁氏志云元豐以後舉子所為雜家

莊子稱子華子

見韓昭侯陸德明以為魏人 呂氏春秋引子華子曰
注子華子體道人也

鶩子

漢志道家二十二篇名熊為周師自文王以下問焉小
說家鶩子說十九篇後世所加 唐志道家一百三十

七家始於鶩子一卷永徽中逢行珪注行珪序云十四篇 書

目雜家十四篇鶩熊楚之先也為周文王師著書二十

二篇今本十四篇始於大道文王問 列子天瑞篇鶩熊曰運

轉無已天地密移力命篇鶩熊語文王曰自長非所增
自短非所損 文心雕龍鶩熊知道而文王咨謀諸子
肇始莫先於斯 賈誼新書引文王武王成王問鶩子

老子

見御製

老子經傳

漢志道家老子鄰氏經傳四篇

李耳傳

氏經說三十七篇

徐氏經說六篇劉向說四篇 史記老子著上下二篇

五千餘言老萊子亦楚人著書十五篇言道家用之

漢志

道家老成子十八篇老萊子十六篇

葛玄序老子西遊天下關令尹喜

曰大道將隱乎願為我著書於是作道德二篇五千文
上下經 河上公漢文帝時授素書道德經章句二卷
道經體道至為政第三十七德經論德至顯質第八十
一 晁氏志李耳以周平王四十二年授關令尹喜凡
五千七百四十有八言八十一章言道德之旨其末云
使民復結繩而用之蓋三皇之道也 集賢注記開元

二十年九月左常侍崔沔入院修撰與道士王虛正趙
仙甫并諸學士參議修老子疏 舊唐史司馬承禎善

隸書玄宗令以三體寫老子經因刊正文句定著五千

三百八十言為真本奏上之

一本云司馬子微開元中帝命以三體寫老子刊正

文句

梁元帝著講疏四卷

賀瑒著老莊講疏

陳張譏撰老子

義十一卷

晉羊祜為老子傳

魏王弼老子畧論

王禹玉曰今資善堂所寫御本獨無章名章名疑非老

氏之意書目三家老子音義一卷徐鉉補正唐德明

傅奕二家音義故名三家道德經三十家注六卷唐張

君相集解

集河上公嚴遵王弼何晏郭象鍾會孫登羊祜羅升盧裕劉仁會顧歡陶隱居松靈仙人

裴處思杜弼節解張滉張嗣臧玄靜大孟小孟賈畧
宋文明褚隸劉進喜蔡子晃成玄英車惠弼等注

唐志嚴遵指歸十四卷

隋志老子指歸十二卷書目
十三卷漢嚴遵撰谷神子注唐

志馮廣注列子釋文漢嚴遵字
君平作指歸十四篇演解五千文

國史志道德經節

解二卷嚴君平指歸十三卷諸家道德經疏二卷

河上公葛

仙公鄭思遠睿宗玄
宗并自疏不知姓名

秦宓傳李權曰仲尼嚴平會聚

衆書以成春秋指歸之文古朴曰嚴君平見黃老作指

歸 程大昌易老通言十卷 司馬光述要呂大臨蘇

轍劉涇王安石注各二卷

文子

漢志道家九篇老子弟子與孔子並時而稱周平王問

似依託者也

隋志十二卷

唐志同

梁七錄十卷
柳宗元曰十二篇蓋駁書

也凡管益數家皆見剽竊
默希子注 道原至上禮

文選注范子曰文子姓辛

葵丘濮上人稱曰計然南遊於越范蠡師事之

本受業於老子

文子錄其遺言為十二篇默希子
謂姓辛名研文子其字也師老子

今本十二卷元魏

李暹注

唐徐靈府注

即默希子

朱玄注

關尹子

漢志道家九篇名喜為關吏老子過關喜去吏而從之

劉向校關尹子永始
二年八月庚子上

列仙傳著書九篇名關令子

今本九卷一字至九藥

列子

漢志道家八篇名圖寇先莊子 隋志八卷晉張湛注

天瑞至
說符

舊二十篇劉向去重複存者八篇

向校列子
書永始二

年八月
壬寅上

柳宗元曰楊朱力命疑其揚子書

天寶初

號冲虛真經景德四年二月丙寅加至德二字 唐殷

敬順撰釋文 徽宗御製解 王曉列子旨歸一篇

莊子

漢志道家五十二篇名周宋人

成玄英云
字子休

釋文序錄

五十二篇即司馬彪孟氏所注內七篇外篇二十八雜

篇十四解說三 郭子玄云一曲之才妄參竒說若闕

奕意修之首卮言遊鳧子胥之篇凡諸巧雜十分有三

言多詭誕或似山海經或類占夢書注者以意去取其

內篇衆家並同其餘或有外而無雜 今本十卷三十

三篇逍遙遊至天下分為內外雜篇

內篇七外篇十
五雜篇十一

唐

成玄英疏三十三卷本郭象注為疏義

北史何妥義

疏四卷

南史張譏內篇義十二卷外篇義二十卷雜

篇義十卷

唐志道家郭象崔譔注十卷向秀注李頤

王玄古集解陸德明文句義各二十卷司馬彪注二十

一卷成玄英注三十卷疏二卷張九垓指要三十三篇

書目成玄英疏十卷

向郭二注其義一也

唐文如海正義十卷

晁氏志文
如海疏十

卷

隋志徐邈集音三卷梁簡文講疏十卷

本二十
卷今缺梁

曠南華論二十五卷

本三卷

史記莊子著書十餘萬言

大抵率寓言也

文選注引淮南王莊子畧要

晉王

坦之著廢莊論

宋朝王曉莊子旨歸二篇

亢倉子

史記莊子傳畏累虛亢桑子之屬皆空語無事實 唐

志王士元亢倉子二卷

天寶元年二月丙申號莊子

南華庚子號列子冲虛文子通玄亢桑子洞靈真經然

亢桑子求之不獲王士元謂莊子作庚桑太史公列傳

作充桑子其實一也取諸子文義類者為二卷補其亡

今本五卷九篇自全
道至兵道何瓌注

柳宗元曰首篇出莊子而益以

庸言劉向班固錄書無之今之為術者始為傳注 書目

三卷首篇與莊子庚桑楚篇畧同

四子治國樞要

晁氏志四卷唐范乾九集四子莊文列充倉謂黃老之
道內足以修身外足以治國采其書有益治道者分為
二十門

鵑冠子

漢志道家一篇楚人居深山以鵑為冠 隋志三卷

書目

同楚之隱人 韓愈謂其詞雜黃老刑名 柳宗元以

為好事者偽為其書 晁氏志著書十五篇論三才變

通古今治亂之道

三卷

今本博選至學問分為四卷

田子

漢志道家二十五篇名駢齊人游稷下號天口駢

呂氏春秋

作陳駢

卷五十三

廣成子

隋志道家十三卷

唐志十卷

商洛公撰張太衡注疑近人

作 晁氏志廣成子解一卷蘇軾取莊子黃帝問道一

章為解

任子道論

隋志道家十卷魏河東太守任昉撰

抱朴子

隋志道家抱朴子內篇二十一卷

音一卷

葛洪撰唐志十卷雜

家外篇三十卷

梁有五十一卷
唐志二十卷

晉葛洪傳內篇言黃

白外篇駁雜通釋內外一百六十一篇號抱朴子書

目內篇二十卷外篇五十卷合內外篇今存共七十卷

唐子

後漢方術傳唐檀著書二十八篇名唐子 隋志道家

唐子十卷吳唐滂撰

唐志同

幽求子

晉儒林傳杜夷著幽求子二十篇 隋志道家杜氏幽

求新書二十卷

陸子

唐志道家十卷陸雲

天機子

晁氏志一卷凡二十五篇一名陰符二十四機諸葛亮
撰觀其詞旨殆李筌所為托之孔明也載道藏中書
目道家天機經一卷不知作者

鄒子

漢志陰陽家鄒子四十九篇名衍齊人為燕昭王師居

稷下號談天衍鄒子終始五十六篇

師古曰亦鄒衍所說

鄒奭子

十二篇齊人號曰雕龍奭 史記騶衍深觀陰陽消息

而作怪迂之變終始大聖之篇十餘萬言其語闕大不

經作主運

劉向別錄鄒子書有主運篇封禪書騶衍以陰陽主運顯於諸侯

容成子

漢志陰陽家十四篇 呂氏春秋容成作曆 莊子容

成氏曰除日無歲無內無外

則陽篇

管子 管子指畧

漢志道家筦子八十六篇名夷吾相齊桓公孝經有弟

子職一篇

注管仲所作
在管子書

隋志法家十九卷 唐志法

家十九卷尹知章注三十卷杜佑管子指畧二卷 書

目二十四卷法家 劉向序管子書三百八十九篇校

除複重定著八十六篇其書務富國安民道約言要

史記管仲頰上人既任政相齊通貨積財富國彊兵與
俗同好惡故其稱曰倉廩實而知禮節衣食足而知榮

辱上服度則六親固四維不張國乃滅亡

禮義廉耻

下令如

流水之原令順民心故論卑而易行太史公曰吾讀管

氏牧民山高乘馬輕重九府及晏子春秋詳哉其言之

也既見其著書欲觀其行事故次其傳至其書世多有

之是以不論論其軼事注劉向別錄曰九府書民間無

有山高一名形勢 傅子管仲之書過半是後之好事

所加輕重篇尤鄙俗

孔穎達曰或是後人所錄

國史志尹知章注

十九卷

吳氏西齊書目三十卷此自形勢解亡唐史尹知章傳云注管子

唐杜佑抄

管氏書為指畧序稱房喬所注而舊錄皆作尹知章文句

無復小異今本房玄齡注

五十八篇有注

有經言外言內言短

語區言雜篇解輕重

牧民第一至輕重庚第八十六

丁度管子要畧

五篇

李子

漢志法家三十二篇名悝相魏文侯富國彊兵

申子

漢志法家六篇名不害相韓昭侯 劉向別錄申子學

號刑名以名責實尊君卑臣崇上抑下宣帝好觀其君

臣篇 史記列傳著書二篇號曰申子

列錄民間有上下二篇中書六

篇皆合二篇已備
遇太史公所記

唐志三卷

韓非子申不害徒術

而無法公孫鞅徒法而無術

商子

漢志法家商君二十九篇名鞅相秦孝公 隋志商君

書五卷

唐志五卷
或作商子

書目商子五卷史記嘗讀商君開

塞耕戰書與其人行事相類今是書具存共二十六篇

本二十九
今三篇亡

晉庾峻曰秦塞斯路利出一官雖有處士

之名而無爵列於朝者商君謂之六蟲韓非謂之五蠹

丈心雕龍云商
韓之六蟲五蠹

韓子

漢志法家五十五篇名非 史記列傳作孤憤五蠹內

外儲說林說難十餘萬言

韓安國受韓
子雜家說

隋志

唐志
同

二

十卷

目一卷

今本五十六篇注不詳名氏

鄧析子

漢志名家鄧析二篇鄭人與子產並時 隋志一卷

唐志

同 晁氏志二卷其書大旨訐而刻

尹文子

漢志名家一篇說齊宣王先公孫龍注劉向云與宋鉉
俱游稷下 隋志二卷周之處士遊齊稷下 唐志一
卷 書目二卷齊人劉向以其學本於黃老居稷下與
宋鉉彭蒙田駢等同學於公孫龍魏黃初末山陽仲長
氏得其書始詮次為上下二篇

公孫龍子

漢志名家十四篇

師古曰即為
堅白之辯者

唐志三卷

書目名
家一卷

陳

嗣古賈大隱注各一卷

惠子

漢志名家一篇名施與莊子並時 莊子惠施多方其
書五車其道舛駁其言也不中 荀子惠子蔽於辭而
不知實

田俅子

漢志墨家三篇先韓子 隋志梁有一卷亡 文選注
引之

墨家

漢志墨家七十一篇名翟為宋大夫在孔子後墨家出
於清廟之守貴儉兼愛上賢右鬼非命上同此其所長
也墨六家八十六篇始於尹佚二篇周臣次田俅子三篇

我子一篇為墨子之學 隨巢子六篇胡非子三篇墨翟弟子終於

墨子 隋志十五卷目一卷 隨巢胡非子各一卷唐志同

書目十五卷自親士至雜守為六十一篇亡九篇一本自

親士至上同凡十三篇

墨辯

晉魯勝傳著正天論著述為世所稱注墨辯存其序曰
墨子著書作辯經以立名本惠施公孫龍祖述其學以
正刑名顯於世孟子非墨子其辯言正詞則與墨同荀
卿莊周等皆非毀名家而不能易其論也墨辯有上下
經經各有說凡四篇與其書衆篇連第故獨存今引說

就經各附其章疑者闕之又采諸衆雜集為形名二篇
畧解指歸以俟君子

蒯子

雋永

漢志縱橫家五篇名通 史記蒯通者善為長短說論

戰國之權變為八十一首索隱曰戰國策亦名曰長短書 漢傳論戰

國說士權變亦自序其說凡八十一首號曰雋永論甘美而

義深長 邊通學短長 主父偃學長短縱橫術

蘇子

漢志縱橫家蘇子三十二篇秦張子十篇儀 呂氏曰

蘇秦周人也張儀公孫衍魏人也故言權變辨智之士

必曰三晉兩周

鬼谷子

唐志縱橫家鬼谷子二卷蘇秦又樂壹 隋志云樂一 注三卷尹

知章注三卷 史記正義鬼谷谷名在維州陽城縣北

五里七錄有蘇秦書樂壹注云秦欲神秘其道故假名

鬼谷也鬼谷子三卷樂壹注字正魯郡人有陰符七術

有揣摩及摩二篇戰國策云得太公陰符之謀伏而誦之簡練以為揣摩期年揣摩成按鬼谷子乃蘇秦書明矣

中興書目三卷周時高士無鄉里族姓名字以其所隱自號鬼谷先生蘇秦張儀事之授以捭闔下至符言

等十有二篇及轉圓本經持樞中經等篇亦以告儀秦

者也

揚子曰儀秦學乎鬼谷術

一本始末皆東晉陶弘景注一本捭

闔及應內捷抵巇四篇不詳何人訓釋中下二卷與弘

景所注同

有飛鉗揣摩之篇

元冀為指要幾千言

柳宗元

辨曰劉向班固錄書無鬼谷子險盤峭薄世之言縱橫者時葆其書晚乃益出七術言益竒而道益隱 晁氏

志捍闔之術十三章本經持樞中經三篇 隋志鬼谷

子三卷皇甫謐注

周世隱于鬼谷 有鬼谷先生占氣 兵書一卷

補闕子

唐志縱橫家梁元帝十卷

隋志又有湘東鴻烈十卷 雜家金樓子十卷

尉繚子

漢志雜家尉繚三十九篇六國時

劉向別錄云繚為商君學 兵形執

尉繚三十一篇 隋志五卷 梁并錄六卷 梁惠王時人 唐

志六卷

尸子

漢志雜家二十篇名佼魯人秦相商君師之 隋志二

十卷 唐志同雜家 目一卷 梁十卷 秦相衛鞅上客尸佼撰其九

篇亡魏黃初中續 滿雅疏引廣澤篇仁意篇緯子篇 劉向別錄楚有

尸子疑謂其在蜀今案尸子書晉人造二十篇書凡六

萬餘言 書目儒家一卷李淑書目所存者四卷今止

存二篇合為一卷 後漢書注一篇言九州險阻水泉
所起十九篇陳道德仁義之紀

淮南子

見著書類

隋志雜家二十一卷劉安撰許慎高誘注

傅子

隋志雜家一百二十卷晉司隸校尉傅玄撰

唐志同

晉

傅玄傳論經典九流及三史故事評斷得失各為區例
名為傅子為內外中篇凡有四部六錄合百四十首數

十萬言初作內篇成示司空王沈沈曰足以塞揚墨之
流適齊荀孟於往代 崇文目五卷中興書目今存
二十三篇餘皆缺

劉子

北齊書劉畫字孔昭撰表孝政為序并注凡五十五篇
清神至九流 書目三卷泛論治國修身之要雜以九
流之說 北史畫著金箱璧言撰高才不遇傳 唐志
雜家十卷劉勰 晁氏志齊劉畫撰或以為劉勰或以

為劉孝標未知孰是

尹子

書目雜家五卷不知名設答問之辭雜論天地軍國地
里靈神釋老之事并序論凡十九篇

唐中黃子

書目唐嚴從撰三卷從自號中黃子開元中為著作郎
既卒皇太子命侍文呂向訪其遺文得八篇序為三卷
唐志嚴從集三卷

樊子

唐志雜家樊宗師三十卷

務成子

漢志小說家十一篇稱堯問非古語 荀子大畧篇舜
學於務成昭注尸子務成昭之教舜曰避逆從順天下
不足取 新序子夏對哀公云云

炙轂子

唐志小說家炙轂子雜錄注解五卷 書目炙轂子雜

錄五卷唐王叡以二儀實錄古今注樂府題解合編為
一書又炙穀子詩格一卷叙詩體式所始評其述作之
要

陳子

後漢陳紀著書數萬言號曰陳子

韋卿子

後漢韋彪著書十二篇號曰韋卿子

老聃貴柔孔子貴仁墨翟貴廉關尹貴清子列子貴虛

陳駢貴齊楊朱貴已孫臏貴勢王廖貴先兒良貴後

呂氏

春秋

墨子貴兼孔子貴公皇子貴衷田子貴均列子貴

虛料子貴別

子尸

慎子有見於後無見於先老子有見


於詘無見於信墨子有見於齊無見於畸宋子有見於

少無見於多 墨子蔽於用而不知文宋子蔽於欲而

不知得慎子蔽於法而不知賢申子蔽於勢而不知知

惠子蔽於辭而不知實莊子蔽於天而不知人

荀子



玉海卷五十三

欽定四庫全書

子部

玉海卷五十四

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣吳錫綵

欽定四庫全書

玉海卷五十四

宋 王應麟 撰

藝文

總集文章

屈原作離騷為百代詞章之祖衆士慕嚮綴文接踵於道各名一家之言別而聚之命之曰集其原起於東京而極於有唐至七百餘家晉摯虞彙分之曰文

章流別後世祖述為總集至唐亦七十五家

楚辭 漢離騷傳 唐七家楚辭 楚辭章句

史記屈原傳原名平楚之同姓也為楚懷王左徒上官

大夫讒之王怒而疏平平憂愁幽思而作離騷離騷者

猶離憂也既死之後楚有宋玉唐勒景差之徒者皆好

辭而以賦見稱然皆祖屈原 漢地理志楚屈原被讒

作離騷諸賦後有宋玉唐勒之屬漢淮南王安著書而

吳有嚴助朱買臣貴顯文辭並發故世傳楚辭 漢藝

文志屈原賦二十五篇唐勒四篇宋玉十二篇 漢傳

淮南王安武帝使為離騷傳旦受詔日食時上

王逸云武帝使

安作章句 隋志淮南王章句其書已亡

朱買臣召見說春秋言楚辭帝

甚說之 宣帝召能為楚辭九江被公召見誦讀

王褒傳

揚雄作書擬離騷文而反之名曰反離騷又旁離騷作

重一篇名曰廣騷又旁惜誦以下至懷沙一卷名畔牢

愁 班固叙贊二篇固云孝武詔淮南王安叙離騷傳

以為國風好色而不淫云云斯論似過其實

班彪有悼離騷

王逸順帝時著楚詞章句行於世

隋志云後漢校書郎王逸集屈原迄劉向

又自為一篇并叙而注之

梁竦感悼子胥屈原作悼騷賦繫玄石

沈之 應奉著感騷三十篇數萬言愍屈原因以自傷

文心雕龍辨騷

隋志楚辭十部二十九卷

王逸至劉杳宋

何偃剛逸注十一卷亡皇甫遵訓參解七卷又楚辭音各二卷餘見唐志

原著離騷宋玉傷

而和之其後賈誼東方朔劉向揚雄擬作以原楚人也

謂之楚辭隋時有釋道騫善讀之今傳楚辭者祖騫公

之音 唐志集錄楚辭類七家七部三十二卷王逸注

十六卷

隋志十卷

郭璞注十卷

隋志三卷

楊穆九悼一卷劉杳

離騷草木蟲魚疏二卷孟與徐邈僧道騫音各一卷

樂類

離騷譜一卷

中興書目楚辭九家九十四卷

宋朝黃伯

思翼騷一卷伯思曰屈宋諸騷皆書楚語作楚聲紀楚

地名楚物故謂之楚辭 洪興祖補注十七卷考異一

卷 黃銖協韻一卷 朱熹集注八卷辨證二卷 晁

補之集續變二書各二十卷熹刊補定著五十二篇為

楚辭後語

離騷經

九歌

東皇太一雲中君湘君湘夫人大司命少司命東君河伯山鬼國殤禮魂十一

章

九章

惜誦涉江哀郢抽思懷沙思美人惜往日橘頌悲迴風

天問

遠遊

卜居

漁父

屈原

九辯

招魂

宋玉

大招

屈原或言景差

惜

誓

賈誼

招隱

淮南小山

七諫

東方朔

哀時命

莊忌

九懷

王褒

九歎

劉向

九思

王逸

凡十六卷

唐志

太史公曰屈平之作離騷蓋自怨生也國風好色而不

淫小雅怨誹而不亂若離騷者可謂兼之矣其文約其

辭微其志潔其行廉其稱文小而指極大舉類邇而見

義遠其志潔故其稱物芳其行廉故死而不容自疎濯
淖汙泥之中蟬蛻於濁穢以浮游塵埃之外不獲世之
滋垢皜然泥而不滓者也推此志也雖與日月爭光可
也 朱文公曰其寓情草木托意男女以極遊觀之適
者變風之流也其叙事陳情感今懷古以不忘乎君臣
之義者變雅之類也至於語冥昏而越禮攄怨憤而失
中則又風雅之再變矣其語祀神歌舞之盛則幾乎頌
其變也又有甚焉自原之後作者繼起而宋玉賈生相

如揚雄為之冠七諫以下無足觀者而褒為最下 晁氏曰離騷遭憂也終窶且貧莫知我艱北門之志也何辜於天我罪伊何小弁之情也以附益六經之教於詩最近懷沙言賦橘頌言頌九歌言歌天問言問皆詩也離騷備之矣蓋詩之流至於楚而為離騷至漢而為賦其後復變而為詩又變而為雜言長謡問對銘贊採引

漢連珠

三輔決錄注趙岐擬前代連珠之書四十章上之

以假喻連

旨而覽者微悟歷歷如貫珠故謂之連珠

蔡邕傳著連珠韓說奏

文苑

傅毅著連珠

劉珍著連珠

文選陸機演連珠五

十首注傅玄叙連珠興於漢章之世班固賈逵傅毅受

詔作之合於古詩諷興之義 文心雕龍揚雄覃思文

閣碎文瓌語肇為連珠擬者間出杜篤賈逵劉珍潘勗

欲穿明珠多貫魚目唯士衡理新文敏文選注引揚雄連珠杜篤連珠

宋庠撰連珠一卷做陸機之作 隋志陸機連珠一卷何承天注文選

劉孝標注 謝靈運連珠集五卷唐志同 陳證連珠十五卷黃芳

連珠一卷梁武連珠一卷沈約注

約謂金鯨互
聘玉軼並馳

梁武帝

制旨連珠十卷邵陵王綸注又陸緬注

武帝著連珠羣
臣繼作者數十

人丘遲
夫最美

梁有設論連珠十卷謝靈運撰

南齊書劉祥著
連珠十五首

唐志謝靈運連珠集五卷梁武帝制旨連珠四卷陸

緬注十一卷康顯海藏連珠三十卷

文章緣起連珠

揚雄作沈約曰連珠之作始自子雲蓋謂辭句連續互
相發明若珠之結排也

漢魏文章

書目漢魏文章二卷宋玉及漢魏人文賦凡八十八首

三國志文類六十卷集詔書表奏評論序文等

集者不知名

晉文章流別集 文章志 善文

摯虞傳撰文章志四卷

後漢桓麟傳注文選長笛賦注引文章志

注解三輔

決錄又撰古今文章類聚區分為三十卷名曰流別集

各為之論辭理愜當為世所重

唐志摯虞集十卷華傳虞撰官書皆資華

張

本以取正

華廩傳集經書要事名曰善文行於世 隋志

總集類文章流別等一百七部二千二百一十三卷

六

同總集者以建安之後辭賦轉繁衆家之集日以滋廣

晉代摯虞苦覽者之勞倦於是採摭孔翠芟剪繁蕪自

詩賦下各為條貫合而編之謂為流別摯虞文章流別

集四十一卷梁六十卷志二卷論二卷唐志三十卷謝混流

別本十二卷孔審續流別三卷唐志杜預善文四十

九卷隋志五十卷 史記李斯傳注辨士 隱姓名遺秦將章邯書在善文中文選注引

文章錄流別錄 詩正義引流別論云詩有九言 顧

凱之有晉文章記

晉集苑 文苑 宋集林

唐志謝混集苑六十卷

隋志四十五卷

孔逵文苑一百卷

隋志同

又文苑鈔三十卷

中興書目孔逵集漢以後諸儒文

章今存十九卷賦頌騷銘

弔典書表論凡十屬目錄

有書寫校正官吏姓名題龍朔二年或大中十年蓋唐

秘書所藏本也

南史逵會稽人有才藻製東都賦三吳決錄

隋志劉義慶

集林一百八十一卷

梁二百卷卷宋臨川王義慶撰

唐志二百

唐志謝

沈名文集四十卷丘遲集鈔四十卷

隋志沈約集抄十卷

庾自直

類文三百七十七卷

晉七林

枚乘作七發

天選注七發者說七事以起發太子猶楚詞七諫之流

屬文之士若

傅毅劉廣世崔駰李尤桓麟崔琦劉梁馬融張衡作七

激興依疑說蠲舉厲辨之篇 傅玄作七謨又集七林

曹植作七啓并命王粲作 張協作七命 陸機七

證 劉劭七華 顏延之七繹 沈佺期七引 唐志

卞氏七林集十二卷 隋志十卷梁十二卷錄二卷卞

景撰梁又有七林三十卷音一卷亡謝靈運七集十卷

晉江左文章志

唐志目錄類摯虞文章志四卷宋明帝晉江左文章志

二卷沈約宋世文章志二卷沈約傳撰文章志三十卷傅亮續文章

志二卷隋志同雜家任昉文章始一卷張績補姚察續文章

始一卷書目昉文章緣起一卷凡八十五題世說注多引江左文章志

又有丘淵之文章錄別集錄顧凱之晉文章記文

章叙錄丘靈鞠著江左文章錄序起太興訖元

熙 魏志注引文章序錄摯虞文章志後漢注引
文章志

梁昭明太子文選 唐李善注文選 文選辨

惑 五臣注文選 唐續文選 擬文選

隋志文選三十卷梁昭明太子撰

唐志同

音三卷蕭該撰

唐志十卷 唐志李善注文選六十卷又文選辨惑十卷公

孫羅注文選六十卷音義十卷五臣注文選三十卷

衛州

常山尉呂延濟都水使者劉承祖男良處士張銳
呂向李周翰注開元六年工部侍郎呂延祚上之 曹憲

文選音義

卷七

康國安注駁文選異義二十卷僧道淹

許淹文選音義十卷

李邕傳父善淹貫古今不能屬

辭人號書苑顯慶中擢崇賢館學士為文選注敷析淵
洽表上之賜賚頗渥善釋事而忘意書成以問邕邕不
敢對善詰之邕意欲有所更善曰試為我補益之邕附
事見義善以其不可奪故兩書並行邕居汴鄭間講授
諸生傳其業者號文選學 曹憲傳以文選授諸生魏
模公孫羅李善傳授其學大興 會要顯慶六年正月二

十七日右內率府參軍崇賢直學士李善上注文選六

十卷藏於秘府

文選注表以顯慶三年九月初上表云昭明太子居肅成而講藝開傳望以

招賢寧中葉之詞林酌前修之筆海

呂向傳嘗以李善釋文選為繁冗

與呂延濟劉良張銑李周翰等更為注解時號五臣注

中興書目文選昭明太子蕭統集子夏屈原宋玉李

斯及漢迄梁文人才士所著賦詩騷七詔冊令教表書

啟牋記檄難問議論序頌贊銘誄碑誌行狀等為三十

卷

與何遜劉孝綽等選集

李善注析為六十卷

集賢注記開元

十九年三月蕭嵩奏王智明李元成陳居注文選先是
馮光震奉敕入院校文選上疏以李善舊注不精請改
注從之光震自注得數卷嵩以先代舊業欲就其功奏
智明等助之明年五月令智明元成陸善經專注文選
事竟不就 唐志孟利貞續文選十一卷卜長福續文

選三十卷

開元十七年
上校富陽尉

卜隱之擬文選三十卷

開元
處士目

錄類常寶鼎文選著作人名目三卷 崇文目文選抄

十二卷 蘇易簡文選菁英十二卷 唐志昭明太子

古今詩苑英華二十卷蕭圓文海集三十六卷

蕭圓撰文

海集四
十卷

隋杜正藏著文章體式

時號
文軌

梁文心雕龍

南史文學傳劉勰字彥和天監中兼東宮通事舍人撰

文心雕龍論古今文體其序畧云云沈約謂深得文

理隋志總集類文心雕龍十卷梁劉勰撰

唐志文
史類

史通詞人屬文其體非一譬甘辛殊味丹素異彩後來

祖述識昧圓通家有詆訶人相倚撫故劉勰文心生焉

五十篇原道至序志末各系贊

唐七十五家摠集

志丁部總集七十五家九十九部四千二百二十三卷
始於摯虞文章流別集杜預善文次以謝沈名文集孔
逵文苑梁昭明文選詩苑英華終於劉孝孫古今類聚
詩苑三十卷郭瑜古今詩類聚七十卷歌錄集八卷附以文史
自李充翰林論至鍾嶸詩評四家四部十八卷摠七十
九家一百七部不著錄七十八家八百一十三卷自李

淳風注顏之推稽聖賦至林逢續掌記畧文史自劉子

玄史通至孫邵文格不著錄二十三部一百七十九卷

隋志摠集一百七部二千二百十二卷晉摠虞作流

別作者繼軌并解釋評論總於此篇終於法集 國朝

志文史魏晉以前尚古文有李充翰林論江左用聲律

有顏竣詩例鍾嶸詩品唐以來詩賦有張仲素賦樞范

傳正賦訣史官欲明職業有劉氏史通史例 總集

七十五家若摠虞流別杜預善文謝沈名文集孔

逵文苑昭明文選蕭圓文海集康明貞辭苑麗則度自
直類文李德林霸朝雜集蕭淑西府新文要集虞綽類
集文苑詞英謝混集苑劉義慶集林丘遲集鈔劉允濟
金門待詔集許敬宗文館詞林麗正文苑芳林要覽之
類皆集文也昭明古今詩苑英華元嘉宴會千寶百志
崔光百國應璩李夔百一伏滔元正宴會顏延之西池
宴會齊之清溪釋奠集徐伯陽文會北齊文林詩府以
至劉孝孫郭瑜之類聚終於歌集錄皆集詩也賦自宋

明帝集至綦母邃三京賦音頌自瑞應頌集至靖恭堂
頌碑有諸郡碑雜碑論有殷仲堪雜論及設論連珠自
謝靈運至陸緬三家讚箴銘誠有謝莊等四家書有王
履書集夏赤松書林啓表有山濤啓事至薦文集策有
元嘉策及宋伯宜之集七林有卞氏集十二卷及顏之推
七悟若小辭林五十三卷集古今帝王正位文章九十
卷皆失名氏 別集始于荀况宋玉自漢武帝二卷淮
南王二卷至揚雄集五卷凡二十一家先漢之文也崔

第一卷東平王蒼二卷至王粲十卷五十七家東漢之
文也魏武三十卷至鍾會十卷魏之文也許靖二卷至
諸葛二十卷蜀之文也吳自張溫至紀騭晉自宣帝至
滕演宋自武帝至袁粲齊自竟陵二十卷至張融玉海
六十卷梁始於文帝後魏始於文帝後周陳隋皆有集
錄唐之文自太宗四十卷至盧藏用三十卷凡一百十
六家不著錄自玄宗至羅衮皆集也李嶠至皎然皆詩
也盧獻卿至李山甫皆賦也陸贄至薛廷珪皆制詞也

郭元振至趙璘皆表奏也四六若崔致遠贊若崔融策
若魏徵至劉蕡判若駱賓王至鄭寬

唐三類集錄

志丁部集錄其類有三曰楚辭別集總集凡著錄八百
一十八家八百五十六部一萬一千九百二十三卷不
著錄四百八家五千八百二十五卷楚辭自王逸注至
道騫音七家七部三十二卷別集自荀况至盧藏用七
百三十六家七百五十部七千六百六十八卷玄宗集

至鄭寬百道判不著錄四百六家五千十二卷

別集古人但以

名氏命名張融始著玉海之號六十卷

總集

見上

舊志丁部集錄三類楚

詞別集總集共九百三十一部書一萬一千八百六十

二卷右集錄楚詞七家帝王二十七家太子諸王二十

一家七國趙楚各一家前漢二十家後漢五十家魏四

十六家蜀二家吳十四家西晉一百十九東晉一百四

十四宋六十南齊十二梁五十九陳十四後魏十北齊

四後周五隋十八唐一百十二沙門七婦人七家摠集

一百二十四家大凡八百九十二部一萬二千二十八

卷

此與母
曜日同

隋虞世南等四十人選文章自楚詞訖

大業為五千卷號文章總集

唐文史四家

志文史類四家四部十八卷李充翰林論三卷劉勰文
心雕龍十卷顏竣詩例錄二卷鍾嶸詩評三卷

唐搖山玉彩

志類書類許敬宗搖山玉彩五百卷孝敬皇帝令太子

太師許敬宗司議郎孟利貞崇賢館學士郭瑜顧胤右
史董思恭等撰 孝敬皇帝傳名弘顯慶元年為皇太
子四年加元服龍朔元年命賓客許敬宗右庶子許圍
師中書侍郎上官儀中舍人楊思儉即文思殿採摘古
今文章英詞麗句以類相從號搖山玉彩凡五百篇奏
之帝賜帛三千段餘臣賜有差 會要龍朔三年十月
一日遣司元大常伯竇德玄進詔藏書府

唐芳林要覽

志摠集類芳林要覽三百卷許敬宗顧胤許圜師上官儀楊思儉孟利貞姚璿竇德立郭瑜董思恭元思敬集

唐麟閣詞英

麗正文苑

辭苑麗則

志雜家麟閣詞英六十卷高宗時敕撰總集類麗正文苑二十卷許敬宗顧胤等集康顯辭苑麗則三十卷又

康明貞二十卷

著錄

唐文館詞林

志雜傳記許敬宗文館詞林文人傳一百卷總集類文

館詞林一千卷許敬宗劉伯莊等撰崔玄暉訓注文館

詞林策二十卷

梁元帝著
詞林三卷

會要顯慶三年十月二日

許敬宗修文館詞林一千卷上之崔玄暉等訓注垂拱
二年二月十四日新羅王金政明遣使請唐禮并雜文
章令所司寫吉凶要禮并於文館詞林采其詞涉規戒
者勒成五十卷賜之 崇文日文館詞林彈事四卷

唐珠英學士集

志五卷崔融集武后時修三教珠英學士李嶠張說等

詩

唐金門待詔集

志劉允濟十卷

唐花萼集 聯珠集

志李氏花萼集二十卷李又尚一尚貞竇氏聯珠集五

卷竇羣常年庠聲

皆工辭章 義取兄弟若五
星然合一百首 書目一卷

唐文府

志徐堅文府二十卷開元中詔張說括文選外文章乃

命堅與賀知章趙冬曦分門討會詔從之堅乃先集詩賦二類為文府上之餘不能就而罷會要開元十九年二月禮部員外郎徐安貞等撰文府二十卷上之

集賢注記燕公初入院奉詔搜括文選外文章別撰一部於是徐常侍及賀趙分部檢討徐等且集詩賦二類獨簡雜文歷年撰成三十卷燕公以所撰非精更加研

考及蕭令嵩知院以文選是先祖所撰喜於嗣美十九年嵩

為學士知院事奏皇甫彬徐安貞孫逖張環修續文選徐孫所

取與常侍相乖別為二十卷張始興嫌其取舍未允其事竟寢 志雜家徐陵文府七卷宗道寧注別集類李道古文興

唐麗文集

志劉明素麗文集五卷興元中集李吉甫麗則集五卷

唐貞觀新書

志唐稟三十卷集貞觀以前文章

唐太和通選

裴潏傳潏嘗哀古今文章以續梁昭明太子文選自號
太和通選上之當時文士非與遊者不取世恨其隘
志裴潏太和通選三十卷 會要太和八年四月集賢
學士裴潏上通選三十卷

唐古今文集略 類表

志李吉甫古今文集畧二十卷又類表五十卷亦名表
啟集 書目李吉甫集梁陳訖唐開元歌詩二百二十

首為麗則集五卷又集唐人表章賤啟露布等為類表
五十卷 崇文目唐初表草一卷

唐詞圃

志類書張仲素詞圃十卷 書目張仲素編經傳以字
數虛實等類相從為十篇為詞賦之備 志孟利貞碧

玉芳林四百五十卷玉藻瓊林一百卷劉綺莊集類

一百卷

集傳記雜
事一類者

唐西漢文類 東漢文類

志柳宗直西漢文類四十卷

宗元序之其書不傳宋朝陶叔獻類次為四十卷

梅堯臣序

竇嚴東漢文類三十卷

中興書目竇嚴類次後

漢書中詔冊及羣臣書表章議檄對策說問文賦歌
詩附以范曄序論 隋志梁有漢書文府三卷蕭琛
撰

唐文章龜鑑

志文史類倪宥文章龜鑑一卷孫郃文格二卷

唐古今類聚策苑

志周仁瞻十四卷

唐續古今詩苑英華

書目十卷唐僧惠淨集梁大同至唐永徽合一百五十四人詩五百四十八首以續劉孝孫古今類聚詩苑

雍熙文苑英華

會要兼寶訓太平興國七年九月帝以諸家文集其數至

繁各擅所長纂蕪相間乃命翰林學士承旨李昉學士
扈蒙直院徐鉉中書舍人宋白知制誥賈黃中呂蒙正

李至司封員外郎李穆庫部員外郎楊徽之監察御史

李範秘書監丞楊礪著作佐郎吳淑呂文仲胡汀戴貽

慶國子監丞杜鎬將作監丞舒雅

凡十七人以徽之尤
精風雅特命編詩為

百八
十卷閱前代文章撮其精要以類分之為千卷目錄五

十卷雍熙三年十二月壬寅書成號曰文苑英華後李

昉等相繼改外任續命翰林學士蘇易簡等共成之帝

覽之稱善降詔褒諭以書付史館賜器帛各有差景

德四年八月丁巳詔三館分校文苑英華以前所編次

未盡允愜遂令文臣擇前賢文章重加編錄芟繁補缺

換易之卷數如舊

景德中上謂宰臣曰今方惠學者少者誦讀不能廣博文苑英華先帝繼

次當擇館閣文學之士校正與李善文選並鑲板頒布庶有益於學者

實錄雍熙三年

十二月壬寅翰林學士宋白等上

宋白等表曰席編經史堂列繅紉咀嚼英

腴總覽翹秀撮其類列分以布居使沿泝者得其餘波兼味者接其雅唱

上覽而善之詔答

曰近代以來斯文浸盛雖述作甚多而妍媸不辨遂令

編緝止取菁英所謂撻鸞鳳之羽毛截犀象之牙角書

成來上實有可觀宜付史館景德四年八月丁巳命直

館校理校勘文苑英華及文選摹印放行祥符二年十月已亥命太常博士石待問校勘十二月辛未又命張秉薛映戚綸陳彭年覆校 孝宗以秘閣本多舛錯命周必大校讐以進淳熙八年正月二十二日以一百十冊藏秘閣

淳熙唐登科文選

三年正月樂史上登科記三十二卷唐登科文選五十

卷崇文目同唐孝悌錄十五卷

景德西岷酬唱集

書目二卷景德中楊億與錢惟演劉筠李宗諤晁迥及同館唱和七言五言律詩二百四十七章

祥符唐文粹

姚鉉纂百卷祥符四年祀汾陰后土之月集文粹成古賦樂章歌詩贊頌碑銘文論箴表傳錄書序止以古雅為命不以彫篆為工天禧四年六月鉉子嗣復上之癸巳以嗣復為永城簿 晁氏志鉉字寶臣廬州人采唐

世文章分門編類初為五十卷後復增廣之為薛映倚
其事卒後其子以其書上詔藏內府書目紹興中樊
汝霖集唐人文不見於新書傳者五百二十九篇名唐
書文藝補六十三卷

宋朝集選

晏殊集類古今文章為集選二百卷

刪次梁陳迄唐

楊億集

當世述作為筆苑時文錄數十編

慶厯五年李淑

上光祿丞謝曄所編集鑒五月六日賜同出身

晁文莊公宗慤以文選續文選藝文類聚初學記文苑
英華南北朝洎隋唐人文集美字粹語分百七十有四
門十卷名曰文林啓秀 宋白類故事十餘門號建章
集

聖宋文粹

書目三十卷又聖宋文選十六卷

謝氏蘭玉集

書目十卷集謝安而下子孫歷宋齊梁陳凡十有六人

詩三百四十餘篇序題吳興汪聞

淳熙皇朝文鑑

孝宗命著作郎呂祖謙發三館四庫之所藏裒措紳故

家之所錄

所得文集凡八百家

斷自中興以前彙次古賦詩騷典

冊詔誥表章奏疏箴銘贊頌碑記論序書啓雜著以至

律賦經義定為一百五十卷

凡六十一門

承詔於淳熙四年

之仲冬

庚戌

奏御於六年之正月

癸未

賜名曰皇朝文鑑而

命周必大為之序畧曰建隆雍熙之間其文偉咸平景

德之際其文博天聖明道之辭古熙寧元祐之辭達

祖

云國初文人尚少故所取稍寬仁
宗以後文士輩出故所取稍嚴

大雅之詩棫樸官人

也旱麓受祖也俱以作人為言蓋魚躍于淵氣使之也

追琢其章理貫之也雲漢昭于上豈弟施于下濟濟多

士其有不觀感而化者乎先是臨安書坊有江鈿

新編文海淳熙四年丁酉十一月命校正刻板壬寅

學士周必大召對清華閣奏委館閣官銓擇甲辰

以命祖謙因請增損銓次庚戌許之六年正月癸

未上對大臣問之祖謙乃以書進二月壬戌除祖謙直秘閣丙午命必大撰序四月辛卯賜名文鑑後別命他官修定而鋟版之議寢孝宗謂采取精詳有益治道朱文公謂此書編次篇篇有意

真文忠公德秀集文章正宗以明義理切世用為主

又有

續文章
正宗

陸機曰詩緣情而綺靡賦體物而瀏亮碑披文以相質誄纏綿而悽愴銘博約而溫潤箴頓挫而清壯頌優游

以彬蔚論精微而朗暢奏平徹以閑雅說煒煜而譎誑
雖區分之在茲亦禁邪而制放要辭達而理舉故無取
乎冗長 韓愈曰將斬至於古之立言者則無望其速
成無誘於勢利養其根而俟其實加其膏而希其光根
之茂者其實遂膏之沃者其光曄仁義之人其言藹如
也進學解曰沉浸醲郁含英咀華作為文章其書滿家
上規姚姒渾渾無涯周誥殷盤佶屈聱牙春秋謹嚴左
氏浮誇易竒而法詩正而葩下逮莊騷太史所錄子雲

相如同工異曲先生之於文可謂閱其中而肆其外矣
柳宗元曰吾每為文章未嘗敢以輕心掉之懼其剽
而不留也未嘗敢以怠心易之懼其弛而不嚴也未嘗
敢以昏氣出之懼其昧沒而雜也未嘗敢以矜氣作之
懼其偃蹇而驕也抑之欲其奧揚之欲其明疎之欲其
通廉之欲其節激而發之欲其清固而存之欲其重此
吾之所以羽翼夫道也本之書以求其質本之詩以求
其恒本之禮以求其宜本之春秋以求其斷本之易以

求其動此吾所以取道之原也叅之穀梁氏以厲其氣
叅之荀孟以暢其支叅之莊老以肆其端叅之國語以
博其趣叅之離騷以致其幽叅之太史公以著其潔此
吾所以旁推交通而以為之文也又曰文有二道辭令
褒貶本乎著述導揚諷諭本乎比興著述者流蓋出於
書之謨訓易之象繫春秋之筆削比興者流蓋出於虞
夏之詠歌殷周之風雅秉筆之士罕有兼者唐興以來
稱是選而不作者陳拾遺昂其後燕文貞張說以著述之

餘攻比興而莫能極張曲江

九齡

以此興之隙窮著述而

不克備 汪藻曰古之作者無意於文也理至而文隨

之六經之書皆是物也逮左氏屈原始以文章自為一

家而稍與經分漢公孫弘董仲舒蕭望之匡衡以經術

顯司馬遷相如枚乘王褒以文章著當是時已不能合

而為一至後世流別而為六七靡靡然入於流連光景

之文其去經遠矣 朱熹曰自聖學不傳世之為士者

不知學之有本而惟書之讀則所以求於書不越乎記

誦訓詁文詞之間以釣聲名干祿利而已是以天下之書愈多而理愈昧學者之事愈勤而心愈放詞章愈麗論議愈高而其德業事功之實愈無以逮乎古人然非書之罪也讀者不知學之有本而無以為之地也學者稍厭折揚黃荅而窺咸韶之音用三代文章律度當世辭嚴義密追古作者如彈有虞氏之琴鼓清廟之瑟一唱而三歎也大音希聲震越渾錚如鈞天之奏撞千石之鐘振萬石之虞也大呂勁鳴洪鐘橫撞受

切韶護 堯釀舜薰 入神出天 氣平理夷 日星
垂而江漢流 鉅手魁筆磊落相望續典紹謨還雅歸
頌凌躒百代直趨三王 魁竒偉麗九鼎十鼓震越渾
鏗歌周頌魯

承詔撰述 類書

學古貴乎博患其不精記事貴乎要患其不備古昔
所專必憑簡策綜貫羣典約為成書

漢新語

見著書類

魏皇覽

魏志文帝好學黃初中散騎侍郎劉劭等受詔集五經

羣書以類相從凡千餘篇號曰皇覽

見劭傳文帝紀使諸儒撰集經傳

隨類相從

魏畧常侍王象受詔撰皇覽使象領秘書監象

從延康元年始撰集數歲成藏於秘府合四十餘部

有數十篇通合八百餘萬字

史記注引之索隱曰是王象繆襲等撰

隋

志雜家皇覽一百二十卷繆卜等撰

梁六百卷

何承天合

一百二十三卷徐爰合五十卷目四卷梁蕭琛抄二十
卷唐志何承天并合皇覽一百二十二卷徐爰并合
皇覽八十四卷類事之書始于皇覽韋詵諸人撰建雲
臺者非一枝成珍裘者非一掖言集之者衆也

晉陸機要覽

唐志雜家陸士衡要覽三卷書目一卷機自序云直
省之暇乃集要術三篇上曰連璧集其嘉名取其連類
中曰述聞寔述予之所聞下曰析名乃搜同辨異也陸機

集十卷以文賦為首雲
集十卷以逸民賦為首

梁華林遍畧

梁書天監十五年敕太子詹事徐勉舉學士入華

林撰遍畧勉舉何思澄顧協劉杳王子雲鍾嶼等

五人應選八年乃成合七百卷

劉峻類苑成凡一百二十卷武帝即

命諸學士撰華林遍畧以高之唐志徐勉華林要畧六百卷

隋志六百二十卷徐僧權等撰

隋志唐志同梁劉

孝標類苑一百二十卷

梁七錄八十二卷

劉杳壽光書苑

二百卷 陶弘景著學苑百卷張纘著鴻寶一百卷

梁諡法

歷代諡法

書目沈約諡法十卷紫約序大戴禮及世本舊並有諡法而二書傳至約時已亡其篇唯取周書及劉熙諡法廣諡舊文仍采乘與帝王世紀諡法篇之異者以為此書首列周書二篇闕以熙為本叙次舊文廣諡及乘與諡法各於其下注本文所出自周迄宋帝王名臣凡

有諡者並列其人名號於左方今本卷數存文多舛梁
賀琛諡法三卷采舊諡法及廣諡又益以己所撰新諡

分君臣婦人三卷卷各分美平惡三等

梁書琛精三禮
高祖詔換新諡

法至今
施用

其條比沈約諡例頗多亦有約載而琛不取者

續古今諡法十四卷唐王彥威撰續沈約諡例博采傳
記掎摭衆流起自南齊迄于唐代錯綜名諡以類相從
又分單複其唐帝后諡別為尊諡凡一卷編定六家諡
法二十卷判太常寺范鎮同判寺周沆掌禹錫張瓌呂

公著王獵同知禮院王瓘呂夏卿李育雍子方禮院編纂姚闢蘇洵等撰取周公春秋廣謚沈約賀琛及扈蒙六家別其同異去其重複刊謬補缺集為一書謚法三卷蘇洵撰嘉祐中采今文尚書汲冢師春蔡邕獨斷加以新意得一百六十八謚三百十一條又為總論一篇辨論三篇以盡去取之意而表上之論四篇今不入此書又見後皇朝謚錄二十卷蘇洵撰洵為歷代謚錄自周至顯德為皇朝謚錄上自祖宗下逮卿相其有議者皆

列之於左凡三十五卷今缺歷代謚錄十五卷政和修
定謚法八十卷蔡攸等修定為六家沿革統論一卷參
照六家二十六卷看詳六家三十五卷增立謚法十卷
又合是三者著為定謚為修定謚法六卷總目二卷合
八十卷上之內參照二十六卷缺

蔡攸畧去治平中周
沆所上者蓋時禁元

祐學術以出於蘇洵故也謚法三卷紹興中鄭樵撰

梁金海

南史武帝撰金海三十卷

北齊修文殿御覽

唐志祖孝徵等修文殿御覽三百六十卷

崇文目同
書目有之

采撫羣書分二百
四十部以集之

修文殿御覽放天地之數為五十

部象乾坤之策成三百六十卷

書目

北齊聖壽堂御覽

陽休之傳武平三年與朝士撰聖壽堂御覽 隋志雜

家三百六十卷 陽休之取芳林遍畧加十六國春

秋六經拾遺錄魏史為玄洲苑御覽後改為聖壽

堂祖孝徵等又改為修文殿御覽三百六十卷上
之

唐十七家類書

志丙部子錄十五曰類書十七家二十四部七千二百
八十八卷始於何承天并合皇覽次以徐爰并合皇覽
劉孝標類苑劉杳壽光書苑徐勉華林遍畧祖孝徵等
修文殿御覽虞綽等長洲玉鏡諸葛頴玄門寶海一百二十
卷張氏書圖泉海七十卷隋志張式高士廉等文思博要許敬

宗搖山玉彩累壁東殿新書歐陽詢藝文類聚虞世南

北堂書鈔

一百七十三卷

張太素策府

五百八十二卷

武后玄覽

一百卷

張昌宗等三教珠英孟利貞碧玉芳林

四百五十卷

玉藻瓊

林

一百卷

失姓名三家要錄六十卷檢事書二百六十卷

帝王要覽二十卷不著錄者自王義方筆海

十卷

玄宗事

類

一百三十卷

初學記

三十卷

及政典通典會要終於劉揚名

咸苑纂要素說咸苑英華凡三十二家一千三百三十

八卷 宗文目類書四十六部四千六百五十卷始於

太平御覽又五十一部八百六十五卷終於措紳集

唐羣書治要

志雜家魏徵羣書治要五十卷劉伯莊音五卷 會要

貞觀五年九月二十七日癸未秘書監魏徵撰羣書理要

上之太宗欲覽前王得失爰自六經訖于諸子上始五

帝下盡晉年徵與虞世南褚亮蕭德言等成五十卷上

之諸王各賜一本實錄作政要之賜始於儲貳蕭德言傳太宗

欲知前代得失詔魏徵虞世南褚亮及德言裒次經史

百氏帝王所以興衰者上之帝愛其書博而要曰使我

稽古臨事不惑者公等力也賚賜尤渥

李泌事見王政記

羣書政要序例俯協堯舜式遵稽古以為六籍紛綸百家
踳駁窮理盡性則勞而少功周覽泛觀則博而寡要爰命
臣等採摭羣書自六經訖諸子始五帝盡晉年凡為五帙合
五十卷本求政要故以政要為名並棄春華采秋實庶弘茲
九德簡而易從觀彼百王不疾而速太宗覽之稱善敕太
子諸王各傳一本賜徵帛二百匹

集賢注記天寶十三載十月敕院內別寫羣書政要刊
出所引道德經文先是院中進魏文正所撰羣書政要
上覽之稱善令寫十數本分賜太子以下 鄴侯家傳
上曰朕欲知有古政理之要而史籍廣博卒難尋究讀
何書而可對曰昔魏徵為太子畧羣書之言理道者撰
成五十卷謂之羣書理要今集賢合有本又肅宗朝宰
相裴遵慶撰自上古已來至貞觀帝王成敗之政謂之
王政紀凡六十卷比寫本送臣欲令進獻於先朝竟未

果其書見在臣請進之以廣聖聰上曰此尤善也宜即
進來於是表獻 中興書目十卷秘閣所錄唐人墨蹟
乾道七年寫副本藏之起第十一止二十卷餘不存

隋志崔安帝王集要三十卷 唐志元氏類集三百卷

積集古今
刑政之書

唐藝文類聚

志歐陽詢藝文類聚一百卷令狐德棻袁朗趙弘智等
同修 歐陽詢傳武德七年詔與裴矩陳叔達撰藝文

類聚一百卷奏之賜帛二百段 會要武德七年九月
十七日給事中歐陽詢奉敕撰藝文類聚成上之 中
興書目一百卷分門類事附見前世詩賦贊頌牋啟之
作 序曰流別文選專取其文皇覽遍畧直書其事

唐文思博要

文樞
秘要

志文思博要一千二百卷目十二卷右僕射高士廉左
僕射房玄齡特進魏徵中書令楊師道岑文本顏相時
朱子奢劉伯莊馬嘉運許敬宗崔行功呂才李淳風褚

遂良姚思廉司馬宅相等奉詔撰貞觀十五年上一

百二十帙

文思殿名龍朔
此撰攝山玉彩

會要貞觀十五年六

中許敬宗於

月十五日上詔藏秘閣

志同撰人無崔行功李淳
風有秘書郎宋正人餘同

文苑英華高士廉序云精義窮神微言探賾

觀書貴要則十家並馳觀要貴博則七畧殊致摠
質文而分流混古今而共轍萬物雖衆可以同類千

里雖遙可以同聲頓天網於蓬萊網目自舉馳雲
車於策府轍迹可尋義出六經事兼百氏究帝王

之則極聖賢之訓豈止刻石漢京懸金秦市比丘

明之作傳侔子長之著書

墳素之苑圃
文章之江海

書目

一卷大中十年秘書監楊漢公奏排理亂書得此
書一百七十二一卷墨蹟今藏于皇朝秘閣乾
道七年錄副本藏之集庫 志目錄類尹植文

樞秘要目七卷鈔文思博要藝文類聚為之

崇文
目同

崔融請修書表云近代書鈔實繁如華林遍畧修文
御覽壽光書苑長洲玉鏡及國家新撰藝文類聚文思博

要等書

唐北堂書鈔

志虞世南一百七十三卷

崇文目同

中興書目一百六十

卷虞世南於省後堂集羣書中事可為文用者號北堂

書鈔分一百六十門

晁氏志云一百七十三卷分八十部八百一類又世南兔園策十卷

纂古今事為四十八門皆偶儷之語

二館舊闕虞世南北堂書鈔惟趙

安仁家有本真宗命內侍取之嘉其好古手詔褒美

唐東殿新書

志東殿新書二百卷許敬宗李義府奉詔於武德殿內

修撰其書自史記至晉書刪其繁辭龍朔元年一作二年上

高宗製序會要顯慶元年十月詔禮部尚書弘文館

學士許敬宗等修東殿新書成上曰畧看數卷全不似

抄撮文書又日月復淺豈不是卿等用意至此因新製

序四百八十字舊紀顯慶元年五月已卯進上自製序許敬宗傳自貞

觀以後論次諸書自晉盡隋及東殿新書西域圖志姓

氏錄新禮等數十種劉禕之傳遷右史弘文館直學

士上元中與元萬頃等偕召入禁中論次新書凡千餘篇

唐累璧

志累璧四百卷又目錄四卷許敬宗等撰龍朔元年上會要龍朔元年六月二十六日中書令許敬宗等撰

累璧六百三十卷上之

舊紀龍朔元年六月庚寅進六百三十卷目錄四卷

隋

志梁庾肩吾採璧三卷

唐三教珠英

志三教珠英一千三百卷目十三卷張昌宗李嶠崔湜

閻朝隱徐彥伯張說沈佺期宋之問富嘉謨喬侶貞半

千薛曜等撰開成初二年十月改為海內珠英武后所

改字並復舊又武后立覽一百卷會要大足元年十一月十二

日麟臺監張昌宗撰三教珠英一千二百卷成上之初

聖歷中上以御覽及文思博要等書聚事多未周備遂

令張昌宗召李嶠及魏知古于季子王無競沈佺期王

適徐堅尹元凱張說馬吉甫元希聲李處正高備劉知

幾房元陽宋之問崔湜韋元旦楊齊哲富嘉謨蔣鳳等

二十六人

無喬侶
名蔣鳳白衣在選

劉禹錫集云珠英卷後列學士姓

一本吳少微亦預修

同撰於舊書外更加佛道二教及親屬姓名方域等部

開成二年十月敕改天后朝所撰三教珠英為海內珠

英列傳徐彥伯武后撰三教珠英取文辭皆天下選

而彥伯李嶠居首朱敬則張易之集名儒撰三教珠

英又繪武三思李嶠蘇味道李迥秀王紹宗等十八人

像為圖欲引敬則固辭不與世潔其為人張昌宗入

禁中論著引李嶠等三十六人撰三教珠英 徐堅與
徐彥伯劉知幾張說等與修三教珠英時張昌宗李嶠
總領彌年不下筆堅與說專意撰綜條彙粗立諸儒因
之乃成書 李適修三教珠英與劉允濟在選 志摠
集有珠英學士集五卷崔融集學士李嶠張說等四十
七人詩摠二百七十六首

唐初學記

志初學記三十卷張說類集要事以教諸王徐堅草述

余欽施敬本張烜李銳孫季良等分撰

唐平臺秘畧

王勃傳沛王聞其名召為府修撰論次平臺秘畧書成

王愛重之

集序云撰平臺鈔畧十篇書就賜帛五十匹

文苑英華有論有

贊論十首孝行正修文藝忠武益政尊師褒容幼俊

規諷慎終

唐白氏經史事類

志三十卷白居易一名六帖書目白居易以天地事

分門類為聲偶而不載所出

唐十九部書語類

志類書是光又十卷開元秘書監正字上授集賢院修

撰後賜姓齊 集賢注記開元二十二年十一月秘書

正字是光又上十九部書語類敕留院修撰

崇文目
十卷

舊史鄭澣撰經史要錄成文宗以十九部書語類發問

見錄

類

建隆新撰名臣事跡

四年十月戊午吏部尚書張昭上新撰名臣事跡五卷

詔藏之書府

昭傳云所著嘉善集五
十卷名臣事跡五卷

太平興國太平御覽 太平廣記

實錄太平興國二年三月戊寅詔翰林學士李昉扈蒙

左補闕知制誥李穆太子少詹事湯悅太子率更令徐

鉉太子中允張洎左補闕李克勤右拾遺宋白太子中

允陳鄂光祿寺丞徐用賓太府寺丞吳淑國子寺丞舒

雅少府監丞呂文仲阮思道等十四人同以前代修文御

覽藝文類聚文思博要及諸書分門編為一千卷又以
野史傳記小說雜編為五百卷八年十一月庚辰詔史
館所修太平總類一千卷宜令日進三卷朕當親覽焉
自十二月一日為始宰相宋琪等言曰天寒景短日閱
三卷恐聖躬疲倦上曰朕性喜讀書頗得其趣開卷有
益豈徒然也因知好學者讀萬卷書非虛語耳十二月
庚子書成凡五十四門書目云雜采經史傳記小說自
天地事物迄皇帝王霸分類編
次詔曰史館新纂太平總類一千卷包括群書指掌乎

古頗資乙夜之覽何止名山之藏用錫嘉稱以傳來裔

可改名太平御覽戊申上於禁中讀書

一心云清

自己時

至申時始罷有蒼鶴

一作鶴

自上始開卷飛止殿鴟尾逮

掩卷而去上怪之以語近臣宰相宋琪對曰此上好學

之感也昔楊震方講間有鶴雀銜三鱸魚墮於庭亦同

其應會要先是帝閱類書門目紛雜遂詔修此書興

國二年三月詔昉等取野史小說集為五百卷

五十五部天部

至百
并 三年八月書成號曰太平廣記

二年三月戊寅所集八年十二月庚

子成書

六年詔令鏤版

版

廣記鏤本頃天下言者以為非學者所急

墨板藏太清樓

二

書所命官皆同唯克勤用賓思道改他官續命太子中允王克正董淳直史館趙隣幾預焉

淳化太平雜編

二年八月癸酉參政張齊賢獻太平雜編二卷

崇文目卷同

付史館

所涉歷聞見及賦詠皆編類之

景德冊府元龜

景德二年九月丁卯命資政殿學士王欽若知制誥楊

億修歷代君臣事迹欽若等奏請直秘閣錢惟演刁衍
龍圖閣待制杜鎬戚綸直集賢院李維直史館王希逸
陳彭年姜嶼陳越太子右贊善大夫宋貽序同編脩初
令惟演等各撰編目送欽若暨億參詳欽若等又自撰
集上用欽若等所撰為定有未盡者奉旨增之又令內
臣劉承珪劉崇超典其事編脩官供帳飲饌皆異常等
俄又令秘書丞陳從易校理劉筠同編脩又直館查道
太常博士王曉未成又增直集賢院夏竦職方司外郎

孫奭注撰音義三年四月丙子四年八月壬寅車駕再幸編脩之所再閱門類楊億悉以條對編次未及倫理者改正之帝曰朕編此書蓋取著歷代君臣德美之事為將來取法至於開卷覽古亦頗資於學者皆命從官坐賜編脩官器幣王欽若以南北史有索虜島夷之號欲改去王旦曰舊史文不可改趙安仁曰杜預注春秋以長歷推甲子多誤亦不敢改但註云日月必有誤乃詔欲改者注釋其下凡所錄以經籍為先億又以羣書

中如西京雜記明皇雜錄之類皆繁碎不可與經史並
行今並不取止以國語戰國策管孟韓子淮南子晏子
春秋呂氏春秋韓詩外傳與經史俱編歷代類書修文
殿御覽之類采摭銓擇凡三十一部部有總序千二百
四門門有小序初撰篇序諸儒皆作帝以體例不一祥
符元年二月丙午遂擇李維等六人撰訖付楊億竄定
五月甲申手札詔凡悖惡之事及不足為訓者悉刪去
之日進草三卷帝親覽之擿其舛誤多出手書詰問或

召對指示商畧三月丁卯詔或有增改事標記覆閱之

二年十月丁未手札令欽若等書名其增損悉書之凡八年而成之六年八月十

三日壬申欽若等以獻進表曰推明凡例分別部居皆

仰稟於宸謨惟奉遵於成憲刊除非當彙括無遺每煩

乙夜之覽觀率自清衷而裁定昔甘露石渠止於議奏

開元麗正徒有使名矧皇覽博要之言玉鑑珠英之作

但詞林之見采非治本之宜先洪惟上聖之能獨出百

王之首

崇政殿進呈

凡千卷目錄十卷音義十卷詔題曰冊

府元龜御製序序曰太宗皇帝始則編小說而成廣記纂百氏而著御覽集章句而製文苑聚方書而撰神醫次復刊廣疏於九經校闕疑於三史修古學於篆籀總妙言於釋老洪猷丕顯能事畢陳朕邁遵先志肇振斯文載命羣儒共司綴緝粵自正統至于閏位君臣善迹邦家美政禮樂沿革法令寬猛官師論議多士名行靡不具載用存典刑凡勒成一千一百四門門有小序述其指歸分為三千一部部有總序言其經制凡一千卷

祥符八年十二月乙丑欽若等上版
本宴編修官上作詩一章賜令屬和

一本云景德四

年九月戊辰上謂輔臣曰所編君臣事迹蓋欲垂為典
法異端小說咸所不取觀所著篇序援據經史頗盡體
要而誠勸之理有所未盡也欽若等曰自續集此書發
凡起例類事分門皆上稟聖意授之羣官間有凝滯皆
答陳論今蒙宣諭動以懲勸為本垂世之急務也十月
癸亥上謂輔臣曰朕每因暇日閱君臣事迹草本遇事
簡則從容省覽事多或至夜漏二鼓乃終卷

編修官自
王欽若陳

彭年至劉筠十一人
景德二年
奉敕編修楊億至宋貽序七人
天禧四年閏十二月

癸丑賜輔臣各一部

景祐四年二月
甲子賜御史臺

帝王部一百二十八門 閏位七十八門 僭偽三十

七門 列國君四十門 儲宮十七門 宗室四十二

門 外戚二十三門 宰輔四十一門 將帥一百六

門 臺省二十九門 邦計二十九門 憲官十五門

諫諍六門 詞臣八門 國史十三門 掌禮九門

學校十五門 刑法九門 鄉監十五門 環衛九

門 銓選八門 貢舉十門 奉使十七門 內臣十
六門 牧守四十二門 令長二十一門 宮臣十一
門 幕府十六門 陪臣二十一門 總錄二百四十
一門 外臣三十四門

唐志類書有張大素策府五百八十二卷

祥符彤管懿範

八年閏六月庚辰樞密使王欽若上奉詔編修后妃事
迹七十七卷

崇文目類書
類七十卷

賜名彤管懿範大約如冊府

元龜凡六部百四十門詔欽若撰序

先是元年詔婦人事別為一書九

月丙寅欽若上所撰序

又見宗戚類

乾興天和殿御覽 通英要覽

乾興初命翰林侍讀學士晏殊等於冊府元龜中掇其

善美事得其要者四十卷為二百一十五門書目天聖崇

文目四

十卷 名曰天和殿御覽

天和殿禁中藏書之所因為名

仁宗嘗謂輔

臣曰天和殿御覽可命校定模本刊行之因言朕聽政之暇於舊史無所不觀思考歷代治亂事迹以為監戒

晏殊序曰上稽雅誥下采信書削糟粕之繁撮丹青
之要 實錄天聖二年五月甲寅內出天和殿御覽四
十卷隋書八十五卷下秘閣鏤板 丁度傳著通英聖
覽十卷龜鑑精義三卷編年總錄八卷

寶元詩苑類格

二年翰林學士李淑承詔編為三卷上卷首以真宗御
製八篇條解聲律為常格別二篇為變格又以沈約而
下二十二評詩者次之中卷叙古詩雜體三十門下

卷叙古人體製別有六十七門

國朝類要

范師道撰國朝類要一十二卷雜抄皇朝歷代事實分類為三百六十四門 晏殊類要七十四篇開禧二年正月晏袤上之勒成一百卷列為二千六十一門書目七十七卷曾鞏序云七十四篇今多三篇崇文目十五卷

嘉祐編定諡法 七家諡法

諡起於今天周書諡法篇

汲冢

有周公諡法

書目一卷即汲冢周

書謚法
篇也

春秋謚法廣謚沈約賀琛扈蒙六家之書

蘇邕
獨斷

所載止四十六自劉乘
沈賀之書謚法乃備

太平興國八年八月辛亥詔

增周公謚法五十五字命學士扈蒙等詳定其沈約賀

琛續廣謚廢不行

美謚七十一字為百字平謚七字
為二十字惡謚十七字為三十字嘉

祐六年十月壬午禮院言雍熙中所定字多舛誤請重

修於是蘇洵編定六家謚法

自周公以來記
為三十五卷

政和三年

十月王禹得言奉常謚法自周公而下凡六家總二十

卷請修成一書六年十二月成八十卷六家舊書凡取

四百六十二條修一百五十九條刪九百二條增
立一百十七條總二百七十九諡八百三十九條
已丑詔行之 唐六典注舊有周官諡法大戴禮
諡法又漢劉熙注一卷晉張靖撰兩卷又有廣諡
一卷至梁沈約總集凡有一百六十五條

南史裴
子野附

益諡法

一卷

沈約諡例 序云周書諡法一第五十六諡法二第五
十七今汲冢書止一篇第五十四書目一卷

唯崇文目
有之學者

就汲冢書採出

春秋諡法一卷

學者就杜預釋例諡法篇採出

沈約案諡法上

篇卷前云禮大戴記後云周書諡法第四十二又云凡有一百四十五諡案大戴禮及世本舊並有諡法今檢十許本皆無周書諡法一第五十六諡法二第五十七上篇有十餘諡下篇唯有第目無諡名與前所云第四十二又不同矣今諡法二篇有一百四十八名卷後又云靖按諡有一百九十四又云高光明章和順冲七諡諡法無也而漢家用之約又檢二篇唯無光耳其餘並

有而又多不同約又案靖應是張靖晉江左人也劉熙
注諡法唯有七十六名所闕甚多或有異名殊號近世
所不用耶又有廣諡一篇七十八諡與舊文多同時有
異耳約以為同是一諡而互出諸篇不相比次難為尋
覽劉熙既有注解時或有所發明今以熙所撰為本又
舊文二篇廣諡一卷悉少拔次第令名相隨各於其下
注本文所出又自周氏以來迄于宋末帝王名臣凡有
諡者並列其人名號於所諡之左方吳興人乘輿撰帝

王世記其一篇是謚法今採其異者 蘇洵摠論曰嘉
祐六年七月詔修禮書十月詔古謚法有不可用者以
屬修書之吏臣洵實與其事按始論謚者起於今文周
書謚法之篇今文既以鄙野不傳其謚法之上篇獨存
又簡畧不備諸儒所傳又有周公春秋廣謚沈約賀琛
扈蒙六家之書周公春秋為名尤古然條貫尤為雜亂而
不精廣謚又疎畧而不盡獨沈約賀琛紀綱粗備然琛
好加以己意務為多而無窮扈蒙最後出酌取諸家簡

而不精六書之中稍近古而可據者莫如沈約然亦非古之謚法約言之詳矣其最舊者見於世本大戴禮而約之時已不見於其書約徒得劉熙乘輿之所增廣隋今

唐志作帝王本紀隋書又作乘輿未知孰是

與廣謚以為據依不聞有所謂

周公春秋者也琛又因約而加之以其意今周公春秋之法徃徃反取琛之新法而載之其書至王彥威蘇冕之書因前人之法附世人之謚非有他也賈山有言古者聖王作謚不過三四十世而蔡邕獨斷所載亦不過

四十有六臣受詔之三年二月而謚法乃定凡一百六

十有八

沈約為謚例記周已來帝王公卿之謚至宋而止王彥威繼之至唐而止

賀琛之法

有君謚臣謚婦人謚離而為三今取而合之 婦人有

謚自周景王之穆后始匹夫有謚自東漢之隱者始宦
者有謚自東漢之孫程始蠻夷有謚自東漢之莎車始

自周公以來籍而記之為三十五卷善者可以勸惡者
可以懼善惡之失當者可以長歎息也 宋敏求集類

國朝謚幾二百人孫緯纂元豐後三百餘人為集謚總

錄一卷自宗室宰相以下分為九等

七家諡法

周公 賀琛

春秋 扈蒙

廣諡 蘇洵

沈約

自有諡法以來

至治平禮院書成始有所去取而論定慶元五年太社

令龔頤正會粹六家增入蘇洵揭本字其上列為旁通

其義有無分注于下離為八卷名七家諡法摠括卷一

諸家序篇 諡論表

二君美十九字 君臣美三十三字 后附十八

三臣美上五十九字 后附九四 美

下八十五君惡二十一字 君臣平四字

六臣惡一百五十七

七婦人美六十字 婦人惡二十八

字八通用四十四字 諸家通二百六十七字 嘉佑所定一百九十八字

蘇洵曰周公

之書文尤繁雜不經春秋次之比周公甚簡而微為不
亂廣謚最簡比二書差為齊一沈約所取以成書約採
諸家其書最詳賀琛因而增之尤詳備而皆病於無所
去取扈蒙新書其意妄偽反為五家之所非笑 李壁
曰名周公者即汲冢周書謚法篇名春秋者即杜預釋
例謚法篇唐及國史藝文志皆不載意近世學者就二
書中采出

元祐邇英要覽

慶歷元年八月乙酉詔兩制檢閱唐書紀傳君臣事迹
近於治道者日錄一兩條上之以學士蘇紳言唐憲宗
令近臣具前代得失之迹繪圖以備觀覽也 元祐二

年十一月壬申詔講讀官遇不開講日具漢唐故事有
益政體者二條進入從蘇頌之請也頌每進可為規戒

有補時政者述以己意反復言之四年三月甲戌

日三吏

部尚書兼侍讀蘇頌等奏臣等撰進漢唐故事得旨分
門編修成冊進呈詔以邇英要覽為名六月六日頌等

進呈凡二十卷自修身至禦戎六十門元祐三年十月
講讀官頽復范祖禹趙彥若孫覺李常蘇軾蘇頌孫固
等奉旨撰 建炎四年八月四日令侍從一員日進前
代本朝故事關涉治體者一兩事從謝克家之言也後
止命講讀官翰苑兩省進

紹興中興備覽 中興要覽

六年十月庚戌右僕射張浚入見上嘗召對便殿問所
宜為且命以所聞見置策來上浚承命條列以進號中

興備覽凡四十一篇莫不備具

自議征伐至
議聽言之難

上深嘉歎

置之坐隅

諸臣奏議云
五年十二月

八年二月戊午夔州教授李

昌言應詔撰成中興要覽十篇自始至終行之將永享

治安不止恢復而已詔投進

乾道翰苑羣書

乾道間洪遵纂唐李肇翰林志元稹承旨學士院記韋
處厚學士記韋執誼翰林院故事楊鉅學士院舊規丁
居晦壁記本朝李昉禁林燕會集錢惟演金坡遺事晁

迥別書金坡遺事李宗諤雜記蘇易簡續志蘇考次續

志沈該中興翰苑題名及學士年表翰苑遺事

不著
名氏粹

為一書凡三卷 小說九百比虞初之聿成奏牘三千

效東方而為獻 藝文類聚會粹小說則失之雜羣書

理要事止興衰則病乎簡修文御覽門目紛錯又不足

觀矣

玉海卷五十四